

ՀԱՇՎԵՏՎՈՒԹՅՈՒՆ
ՏԵՂԱԿԱՆ ԻՆՔՆԱԿԱՌԱՎԱՐՄԱՆ ԵՎ ՀԱՆՐԱՊԵՏԱԿԱՆ ԳՈՐԾԱԴԻՐ
ՄԱՐՄԻՆՆԵՐԻ ՀԱՐՑԵՐՈՎ ՎԱՐՉՈՒԹՅԱՆ 2018 ԹՎԱԿԱՆԻ ԿԱՏԱՐԱԾ
ԱՇԽԱՏԱՆՔՆԵՐԻ ՄԱՍԻՆ

Հաշվետու ժամանակաշրջանում համագործակցված աշխատանքներ են տարվել հանրապետական գործադիր մարմինների տարածքային ծառայությունների հետ, ապահովվել է մարզի կապի, էներգետիկայի, հարկային, արտակարգ իրավիճակների, զինկոմիսարիատների, ոստիկանության հանրապետական գործադիր մարմինների տարածքային ծառայությունների համագործակցությունը տեղական ինքնակառավարման մարմինների հետ :

Համակարգվել է 2018 թվականի ապրիլի 14-ին և սեպտեմբերի 8-ին կայացած համապետական շաբաթօրյակների կազմակերպման աշխատանքները և համապատասխան տեղեկատվություն է ներկայացվել ՀՀ տարածքային կառավարման և զարգացման նախարարություն:

Ի կատարումն ՀՀ տարածքային կառավարման և զարգացման նախարարի 22.05.2018 թվականի թիվ 01/15.1/2938-18 հանձնարարականի պահանջների՝ նախարարություն է ներկայացվել համայնքների (քնակավայրերի) մասով համայնքների վարչական տվյալների շտեմարանով պահանջված տեղեկատվությունը:

ՀՀ կառավարության 2014 թվականի մարտի 6-ի թիվ 214-Ա որոշման համաձայն համայնքներին տրամադրվել է տեղեկատվություն 01.07.2018 թվականի դրությամբ ՀՀ ոստիկանության անձնագրային և վիզաների վարչության բնակչության պետական ռեգիստրում հաշվառված քաղաքացիների տվյալների վերաբերյալ:

Համակարգվել են տեղական ինքնակառավարման մարմինների կողմից կատարված աշխատանքները :

2018 թվականի ընթացքում հետևողական աշխատանքներ են տարվել 2016 և 2017 թվականներին ՀՀ Վայոց ձորի մարզում խոշորացված Զերմուկի, Վայքի, Զառիթափի, Արենիի, Գլաձորի և Եղեգիսի համայնքներում համայնքապետարանների կազմավորմանն ուղղված աշխատանքներն ավարտին հասցնելու ուղղությամբ:

Նշված համայնքներում սահմանված կարգով հաստատվել են աշխատակազմերի կանոնադրությունները, աշխատակազմերի և համայնքային ենթակայության կազմակերպությունների հաստիքացուցակները, համայնքային ծառայության պաշտոնների անվանացանկերը, համայնքային ծառայության պաշտոնների անձնագրերը, սահմանված կարգով համալրվել են հայեցողական և համայնքային ծառայության պաշտոնները, մեծ ուշադրություն է դարձվել քաղաքացիաիրավական պայմանագրերի հիման վրա համայնքապետարանների աշխատակազմերի աշխատանքներում այլ աշխատակիցների ներգրավման գործընթացին:

2018 թվականի ընթացքում վարչության կողմից համակարգվել է համայնքների տնտեսական զարգացման պատասխանատուների համակարգի ձևավորմանն ու կարողությունների զարգացմանն ուղղված աշխատանքները:

2018 թվականին մարզի համայնքներում ներդրվել է համայնքների տնտեսական զարգացման պատասխանատուների ինստիտուտը:

Ներկա պահին մարզի բոլոր 8 համայնքներն ունեն կամ հաստիքային կամ պայմանագրային հիմունքներով ընդունված աշխատակիցներ, որոնք կոչված են

համայնքում տնտեսական զարգացման համակարգի ձևավորմանն ու կարողությունների զարգացմանն ուղղված աշխատանքների կատարման ապահովմանը:

Տնտեսական զարգացման պատասխանատուների կարողությունների ձևավորման ուղղությամբ կատարված աշխատանքների առումով մարզի 8 համայնքների տնտեսական զարգացման ոլորտային պատասխանատուների հետ արդեն իսկ իրականացվել են մի շարք քննարկում-խորհրդակցություններ, որոնք ըստ էության պրակտիկ աշխատանքների մեջ նրանց ներգրավման հետ միաժամանակ, հանդիսացել են նաև կարողությունների զարգացմանը միտված միջոցառումներ:

Վարչության կողմից հետևողական միջոցներ են ձեռնարկվել մարզի համայնքների 2018 թվականի տարեկան աշխատանքային պլանների հաստատման ուղղությամբ: Մարզի 8 համայնքներում 2018 թվականի ապրիլի 5-ի դրությամբ սահմանված կարգով հաստատվել են 2018 թվականի ՏԱՊ-երը, որոնք բխում են համայնքների զարգացման ծրագրերի 2018 թվականի համար նախատեսված միջոցառումներից:

Վարչության կողմից համակարգվել է մարզի Արենիի, Գլաձորի և Եղեգիսի 2017 թվականին խոշորացված համայնքներում համայնքների հնգամյա զարգացման ծրագրերի հաստատման գործընթացը:

ՏԻՄ օրենքի պահանջների կատարման նպատակով աշխատանքներ են տարվել ավագանու նիստերի հրավիրման ժամկետների պահպանման, ընդունված որոշումները օրենքով սահմանված ժամկետում մարզպետարան ներկայացնելու, որոշումները ՀՀ օրենսդրությանը համապատասխանեցնելու, ընդունված իրավական ակտերի և բյուջեների հրապարակայնության ապահովման ուղղությամբ :

Համակարգվել է ՀՀ Սահմանադրությանը և ընթացիկ օրենսդրությանը հակասող մարզի ՏԻՄ-երի կողմից ընդունված որոշումները մարզպետի պահանջով վերանայելու գործընթացը:

Համակարգվել են համայնքային բյուջեների կատարման ընթացքի վերաբերյալ համայնքների ղեկավարների կողմից ավագանուն տրված եռամսյակային հաղորդումների և տարեկան հաշվետվությունների տրման աշխատանքները:

Հետևողական աշխատանքներ են տարվել համայնքներում ՏԻՄ-երի գործունեության հրապարակայնության ապահովման ուղղությամբ: Այդ նպատակով մարզի բոլոր համայնքներում տեղադրվել են ցուցատախտակներ, տեղեկատվությունը տեղադրվել է համայնքների պաշտոնական կայքերում, որոնց միջոցով համայնքների ազգաբնակչությունը իրազեկվում է համապատասխան տեղական ինքնակառավարման մարմինների գործունեության վերաբերյալ :

Հետևողական աշխատանքներ են տարվել համայնքների ավագանիների դերակատարության ու պատասխանատվության բարձրացման ուղղությամբ: Համայնքի ղեկավարների և ավագանիների կողմից կազմակերպվել է քաղաքացիների ընդունելություն և հանդիպում համայնքի բնակչության հետ :

Համայնքներում իրականացված միջոցառումների վերաբերյալ ՀՀ տարածքային կառավարման և զարգացման նախարարություն է ներկայացվել եռամսյակային և կիսամյակային հաշվետվություն:

Համաձայն ՀՀ տարածքային կառավարման և զարգացման նախարարի 19.01.2018 թվականի թիվ 15-Ա հրամանով հաստատված աշխատանքային ծրագրի և ՀՀ Վայոց ձորի մարզպետի 08.05.2018 թվականի թիվ 5 որոշման պահանջների 2018 թվականի հունիսի 4-ից 15-ը իրավական և մասնագիտական հսկողություն է իրականացվել ՀՀ

Վայոց ձորի մարզի Վայք համայնքում, սեպտեմբերի 3-ից 14-ը Ջերմուկ համայնքում, հոկտեմբերի 8-ից 19-ը Ջառիթափ համայնքում : Իրականացված իրավական և մասնագիտական հսկողության արդյունքում հայտնաբերված թերությունների վերաբերյալ կազմվել են արձանագրություններ:

Հսկողության ժամանակ արձանագրվել են թերություններ և բացթողումներ <<Տեղական ինքնակառավարման մասին>> , <<Համայնքային ծառայության մասին>> , <<Նորմատիվ իրավական ակտերի մասին>>, <<Տեղական տուրքերի և վճարների մասին>>, <<Թափոնների մասին>>, <<Արտակարգ իրավիճակներում բնակչության պաշտպանության մասին>>, <<Քաղաքացիական պաշտպանության մասին>>, <<Քաղաքաշինության մասին>> ՀՀ օրենքների պահանջների կատարման ուղղությամբ:

Թերությունների և բացթողումների վերաբերյալ կազմվել են ակտեր, քննարկվել և սահմանվել են ժամկետներ թերությունների վերացման ուղղությամբ:

Կազմված արձանագրությունները և հայտնաբերված խախտումները սահմանված ժամկետում ներկայացվել են ՀՀ տարածքային կառավարման և զարգացման նախարարություն և տեղադրվել մարզպետարանի պաշտոնական կայքում:

Ընդունվել է միգրացիայի հետ խնդիր ունեցող 2 քաղաքացու դիմում՝ դիմումներին տրվել է ընթացք սահմանված կարգով: ՀՀ տարածքային կառավարման և զարգացման նախարարության միգրացիոն պետական ծառայության կողմից ստացվել է 5 քաղաքացու դիմումի պատասխան:

2018 թվականի ընթացքում ՀՀ Վայոց ձորի մարզի բնակիչներից ստացվել է 38 դիմում բողոք, բոլոր դիմումներին տրվել է ընթացք սահմանված կարգով:

Համաձայն ՀՀ տարածքային կառավարման և զարգացման նախարարի պաշտոնակատարի 11.04.2018 թվականի թիվ 01/16.1/2245-18 հանձնարարականի պահանջների՝ ՀՀ Վայոց ձորի մարզպետի 12.04.2018 թվականի թիվ 46 կարգադրությամբ ստեղծվել է աշխատանքային խումբ, որը մարզպետի որոշման հավելվածով սահմանված ժամանակացույցին համաձայն այցելություններ է կատարել մարզի խոշորացված համայնքներ և իրականացրել է ուսումնասիրություններ հանձնարարականում նշված խնդիրների կապակցությամբ:

Աշխատանքային խմբի կողմից իրականացված ուսումնասիրությունների արդյունքներն ըստ համայնքների ներկայացվել են ՀՀ տարածքային կառավարման և զարգացման նախարարություն:

2018 թվականի ընթացքում վարչության կողմից համակարգվել է 2017 թվականին խոշորացված համայնքներում համայնքապետարանների աշխատակազմերի համայնքային ծառայության թափուր պաշտոնների մրցույթների հայտարարման գործընթացը:

Մարզի համայնքներում համայնքային ծառայության 88 թափուր պաշտոնների համար հայտարարվել են մրցույթներ, որոնց արդյունքում համալրվել է 69 պաշտոն:

2018 թվականի ընթացքում 14 համայնքային ծառայողներ վերապատրաստվել են, 3-ը՝ ատեստավորվել, 13 համայնքների ղեկավարներ և ավագանու անդամներ վերապատրաստվել են:

2018 թվականի դեկտեմբերի 31-ի դրությամբ համայնքային ծառայության պաշտոնների թիվը 142 է:

Վարչությունը համագործակցված աշխատանքներ է տարել ԱԺ ընտրությունների կազմակերպման ուղղությամբ:

Համակարգվել է 2018 թվականի դեկտեմբերի 9-ին կայացած Ազգային Ժողովի արտահերթ ընտրությունների գործընթացը:

ՏԻ և ՀԳՄ հարցերով վարչությունը ապահովել է մարզի ՏԻՄ-երի և մարզպետարանի աշխատակազմի փոխհարաբերությունները՝ կազմակերպել են քննարկումներ և խորհրդակցություններ:

Կազմակերպվել են մարզպետի այցելություններ մարզի համայնքներ : Համակարգվել են այցելությունների ընթացքում բարձրացված խնդիրների կարգավորման աշխատանքները :

2018 թվականի ընթացքում վարչությունը աշխատանքային պլանին համաձայն և ըստ անհրաժեշտության առողջ համագործակցություն է ապահովել հանրապետական գործադիր մարմինների տարածքային ծառայությունների հետ:

Համագործակցելով ՀՀ արտակարգ իրավիճակների նախարարության փրկարար ծառայության Վայոց ձորի մարզային վարչության հետ՝ նախապատրաստվել և ՀՀ արտակարգ իրավիճակների նախարարի համաձայնեցմանն է ներկայացվել ՀՀ Վայոց ձորի մարզի բնակչության պաշտպանության և քաղաքացիական պաշտպանության համակարգերի նախապատրաստման 2018 թվականի հիմնական միջոցառումների պլանը հաստատելու մասին>> ՀՀ Վայոց ձորի մարզպետի որոշման նախագիծը:

Ի կատարումն ՀՀ տարածքային կառավարման և զարգացման նախարարի 01.12.2017 թվականի թիվ 01/22/7809-17 հանձնարարականի պահանջների՝ մարզի համայնքների հետ հետևողական աշխատանքներ են տարվել աղետների ռիսկի կառավարման պլանների մշակման ուղղությամբ՝ համաձայն ՀՀ արտակարգ իրավիճակների նախարարության կողմից մշակված համայնքի աղետների ռիսկի կառավարման պլանի մշակման ուղեցույցի: Մարզի 8 համայնքներում հաստատվել են <<Աղետների ռիսկի կառավարման>> պլանները:

Ի կատարումն ՀՀ տարածքային կառավարման և զարգացման նախարարի 27.03.2018 թվականի թիվ 01/18.2/1832-18 հանձնարարականի պահանջների՝ համագործակցելով ՀՀ ԱԻՆ «Սեյսմիկ պաշտպանության արևմտյան ծառայություն» ՊՈԱԿ-ի Վայոց ձորի մարզի աշխատակիցների հետ, ՀՀ տարածքային կառավարման և զարգացման նախարարություն ներկայացվել է տեղեկատվություն ՀՀ կառավարության 09.02.2012 թվականի թիվ 138-Ն և ՀՀ կառավարության 2012 թվականի հոկտեմբերի 25-ի թիվ 1351-Ն որոշումների պահանջների կատարման վերաբերյալ:

ՀՀ ոստիկանության Վայոց ձորի մարզային վարչության հետ համատեղ 2018 թվականի համար մշակվել է ոստիկանության մարզային վարչության և ՀՀ Վայոց ձորի մարզպետարանի ղեկավար կազմի հետ հանդիպումների պլան գրաֆիկ: Վերոնշյալ գրաֆիկի համաձայն 2018 թվականի մարտի 28-ին, հունիսի 28-ին, սեպտեմբերի 27-ին և դեկտեմբերի 27-ին մարզպետարանի ղեկավար կազմի և ոստիկանության աշխատակիցների հետ կայացել է հանդիպում, որտեղ ոստիկանության կողմից տրվել է հաղորդում իրականացված աշխատանքների վերաբերյալ:

2018 թվականի ընթացքում ՏԻ և ՀԳՄ հարցերով վարչության կողմից սահմանված կարգով ընթացք է տրվել թվով 1332 հանձնարարականի:

ՏԻ և ՀԳՄ հարցերով վարչություն
09.01.2019թ.